

ԱՐՑԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

15 մարտի 2021թ.

N 220-Ն

ք. Ստեփանակերտ

ԱՐՑԱՆԻ ՀԱՆՐԱՊԵՏՈՒԹՅՈՒՆՈՒՄ ԲՈՒՍԱԲՈՒԾՈՒԹՅԱՆ ՀԱՄԱԼԻՐ ԶԱՐԳԱՑՄԱՆ ԾՐԱԳԻՐԸ ՀԱՍՏԱՏԵԼՈՒ ԵՎ ԱՐՑԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2018 ԹՎԱԿԱՆԻ ՄԱՅԻՍԻ 11-Ի N 350-Ն ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱԶՆԵԼՈՒ ՄԱՍԻՆ

Հիմք ընդունելով «Նորմատիվ իրավական ակտերի մասին» օրենքի 41-րդ հոդվածը և ղեկավարվելով Արցախի Հանրապետության Նախագահի 2017 թվականի սեպտեմբերի 25-ի ՆՀ-108-Ն հրամանագրով սահմանված կարգի 3-րդ և 5-րդ կետերով՝ Արցախի Հանրապետության կառավարությունը **ո Ր Ո Շ ՈՒ Մ Է.**

1. Հաստատել Արցախի Հանրապետությունում բուսաբուծության համալիր զարգացման ծրագիրը՝ համաձայն հավելվածի:

2. Արցախի Հանրապետության էկոնոմիկայի և գյուղատնտեսության նախարարությանը՝ տնտեսական տարին ավարտելուց հետո՝ մեկամսյա ժամկետում Արցախի Հանրապետության կառավարություն ներկայացնել հաշվետվություն՝ կատարած աշխատանքների և իրականացրած միջոցառումների մասին:

3. Ուժը կորցրած ճանաչել Արցախի Հանրապետության կառավարության 2018 թվականի մայիսի 11-ի «Արցախի Հանրապետությունում բուսաբուծության համալիր զարգացման ծրագիրը հաստատելու մասին» N 350-Ն որոշումը:

4. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

«Հաստատում եմ»

ԱՐՑԱՆԻ
ՀԱՆՐԱՊԵՏՈՒԹՅԱՆ
ՆԱԽԱԳԱՀ

Ա. ՀԱՐՈՒԹՅՈՒՆՅԱՆ

Հավելված
Արցախի Հանրապետության կառավարության
2021 թվականի մարտի 15-ի N 220-Ն որոշման

ԱՐՑԱՆԻ ՀԱՆՐԱՊԵՏՈՒԹՅԱՆ
ԷԿՈՆՈՄԻԿԱՅԻ ԵՎ ԳՅՈՒԴԱՏՆՏԵՍՈՒԹՅԱՆ ՆԱԽԱՐԱՐՈՒԹՅՈՒՆ

ԾՐԱԳԻՐ

ԱՐՑԱՆԻ ՀԱՆՐԱՊԵՏՈՒԹՅՈՒՆՈՒՄ ԲՈՒՍԱԲՈՒԾՈՒԹՅԱՆ
ՀԱՄԱԼԻՐ ԶԱՐԳԱՑՄԱՆ

Ստեփանակերտ 2021

ԲՈՎԱՆԴԱԿՈՒԹՅՈՒՆ

1. ԱՐՑԱՆԻ ՀԱՆՐԱՊԵՏՈՒԹՅՈՒՆՈՒ ՔՈՒՍԱՔՈՒԾՈՒԹՅԱՆ ՀԱՄԱԽՐ ԶԱՐԳԱՑՄԱՆ ԾՐԱԳՐԻ (ԱՅՍՈՒՀԵՏ՝ ԾՐԱԳԻՐ) ԿԱՐԵՎՈՐՈՒԹՅՈՒՆԸ
2. ԾՐԱԳՐԻ ՆՊԱՏԱԿԸ ԵՎ ՆՆԴԻՐՆԵՐԸ
3. ԾՐԱԳՐԻ ԻՐԱԿԱՆԱՑՄԱՆՆ ՈՒՂԴՎԱԾ ՄԻՋՈՑԱՌՈՒՄՆԵՐԸ
4. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԿՈՂ ԱՐՅՈՒՆՔՆԵՐԸ

1. ԾՐԱԳՐԻ ԿԱՐԵՎՈՐՈՒԹՅՈՒՆԸ

1. Գյուղատնտեսությունը երկրի պարենային ապահովության և անվտանգության ապահովման գլխավոր ոլորտն է և ընդհանուր ռազմավարության մեջ այն ունի առանցքային դեր: Նպատակային քաղաքականության իրականացման ու առկա ներուժի լիարժեք օգտագործման շնորհիվ հնարավոր է որոշակիորեն լուծել բնագավառում ծագած մի շարք խնդիրներ:

2. Երկրում գյուղատնտեսական մթերքների արտադրությունը բարձր մակարդակի հասցնելու և մթերքների առատություն ապահովելու գործում կարևոր նշանակություն ունի գյուղատնտեսության վարման գիտականորեն հիմնավորված համալիր միջոցառումների մշակումը:

3. Քաղաքականությունը պետք է նպատակաուղղվի գյուղատնտեսական ծագում ունեցող արտադրանքի արտադրության ծավալի աճին, ներմուծվող արտադրանքը տեղական արտադրանքով փոխարինելուն, նոր տեխնոլոգիաների ներդրմանը, որոնք պահանջում են պետական աջակցության տարբեր մեխանիզմների կիրառում: 2020 թվականին բուսաբուծության զարգացման նպատակով հողօգտագործողներին տրամադրվել է 11 666,2 կիլոգրամ արևածաղկի, 417 611,5 կիլոգրամ կտավատի, 22 638,0 կիլոգրամ սոյայի, 159 487,0 կիլոգրամ հնդկացորենի, 38 853,6 կիլոգրամ եգիպտացորենի, 112 563,0 կիլոգրամ սիսեռի, 188 180,0 կիլոգրամ ոլոռի, 18 900,0 կիլոգրամ ոսպի, 5 000,0 կիլոգրամ լոբու, 36,0 կիլոգրամ սորգոյի, 15 508,0 կիլոգրամ առվույտի և 204 158,0 կիլոգրամ կորնզանի սերմեր: Հանքային պարարտանյութերից տրամադրվել է 516 050,0 կիլոգրամ ֆոսֆորական և 516 050,0 կիլոգրամ կալիումական պարարտանյութեր: Արդյունքում ցանվել է 1 923,8 հեկտար արևածաղիկ, 5 384,9 հեկտար կտավատ, 299,0 հեկտար սոյա, 1 175,3 հեկտար հնդկացորեն, 2 377,3 հեկտար եգիպտացորեն, 701,8 հեկտար սիսեռ, 549,2 հեկտար ոլոռ, 90,0 հեկտար ոսպ, 50,0 հեկտար լոբի, 3,0 հեկտար սորգո, 638,0 հեկտար առվույտ և 930,7 հեկտար կորնզան: Անհատույց ֆինանսական աջակցություն է տրամադրվել բանջարեղեն և կարտոֆիլ մշակողներին: Աջակցության ծավալը կազմել է բանջարեղենի և կարտոֆիլի համար 190 131 000 ՀՀ դրամ գումար՝ 633,77 հեկտարի դիմաց: Անհատույց ֆինանսական միջոցներ է տրամադրվել նաև ջերմատնային տնտեսությամբ զբաղվող թվով 179 տնտեսավարողների, աջակցության ծավալը կազմել է 16 627 600 ՀՀ դրամ գումար՝ ընդհանուր 54 875 քառակուսի մետրի դիմաց: Ծրագրի իրականացման արդյունքում 2019 թվականի համեմատ 2020 թվականին ավելացել են շուրջ 1,6 անգամ սոյայի, 2,5 անգամ սիսեռի, 4,6 անգամ ոլոռի ցանքատարածքները: Շրջանառության մեջ է դրվել լոբու մշակությունը:

4. Ծրագրում օգտագործվող հիմնական հասկացություններն են՝

1) **բազմամյա տնկարկ**՝ այգիներ, անկախ նրանց տարիքից, այդ թվում՝ պտղա- հատապտղային տնկարկների բոլոր տեսակները (ծառեր և թփեր):

2) **տնկի**՝ նուռ, խաղող, խնձոր, տանձ, սերկևիլ, գլեռ, կեռաս, բալ, սալոր, հոն, արևելյան խուրմա, դեղձ, ծիրան, նեկտար, նուշ, ընկույզ, տխիլ, թուֆ, թուզ, կիվի, ծիթենի, ազնվամորի, մոշ և այլ պտղատեսակ:

3) **բանջարաբուստանային մշակաբույսեր**՝ պոմիդոր, պղպեղ, սմբուկ, վարունգ, սոխ, սխտոր, կաղամբ, գագար, բազուկ, լոբի, կարտոֆիլ, կանաչեղեն, ձմերուկ, սեխ, դդում և բամիա:

4) **դաշտավարություն**՝ երկրագործության ճյուղ, որը գլխավորապես զբաղվում է պարենային, ինչպես նաև թելատու և կերային դաշտային բույսերի մշակությամբ:

5) **գարնանացան մշակաբույսեր**՝ ոլոռ, սիսեռ, ոսպ, արևածաղիկ, սոյա, կտավատ, հլածուկ, հնդկացորեն, եգիպտացորեն և սորգո:

6) **բազմամյա կերային խոտաբույսեր (այսուհետ՝ կերային խոտաբույսեր)**՝ առվույտ, ռայգրաս, կորնզան:

7) **ջերմատնային տնտեսություն**՝ գյուղատնտեսական մշակաբույսերի աճեցման համար նախատեսված՝ աշխատանքային գործընթացների կատարման նպատակով արտադրական համապատասխան գործիքներով հագեցված, ջեռուցվող կամ չջեռուցվող լուսաթափանց ծածկոցով արդյունաբերական, պաշտպանական կառույց:

8) **ավանդական տեխնոլոգիաներ**՝ մշակաբույսերի աճեցման համար նախատեսված ջեռուցվող կամ չջեռուցվող լուսաթափանց ծածկոցով պաշտպանական կառույց:

9) **ժամանակակից տեխնոլոգիաներ**՝ ջեռուցման, հովացման, ոռոգման, լուսավորության, օդափոխության և սնուցման լիարժեք ավտոմատացված վերահսկողությամբ կառավարման համակարգեր, որոնք տեղադրված են ջերմատան ներքին և/կամ արտաքին հատվածներում:

10) **ցանքաշրջանառություն**՝ գիտականորեն հիմնավորված, ժամանակի և միևնույն հողատարածության վրա գյուղատնտեսական մշակաբույսերի և ցելերի հերթափոխություն:

5. Գյուղատնտեսական որոշ մշակաբույսերի տեղական արտադրության ծավալներն ապահովում են ինքնաբավության ցածր մակարդակ և առաջնահերթ խնդիրը դրանց ցանքատարածությունների, արտադրության ծավալների ավելացումն ու ինքնաբավության մակարդակի հետագա բարձրացումն է, մասնավորապես, դա վերաբերում է զարնանացան մշակաբույսերին, կերային խոտաբույսերին և ծխախոտին: Հանրապետության բնակչությանը սննդամթերքով ապահովվածության, ինչպես նաև սպառողական շուկայի հագեցվածության հարցում հատուկ տեղ է տրվում նաև պտղաբուծությանը:

6. Առաջնահերթ խնդիր է սեփական արտադրության հաշվին տեղական վերամշակող ընկերությունների կողմից մթերվող պտղատեսակների մրցունակության բարձրացումը, մթերման ծավալների ու արտադրվող արտադրանքի ավելացումը, անասնակերով ապահովվածության մակարդակի բարձրացումը, արտահանման համար մատակարարվող թարմ և վերամշակված պտուղների ծավալների ավելացումը, ինչպես նաև նոր աշխատատեղերի ստեղծումը, որը բխում է նաև Արցախի Հանրապետության գյուղատնտեսության ռեսուրսային ներուժի լիարժեք օգտագործման անհրաժեշտությունից:

7. Արցախի Հանրապետության կառավարության կողմից հողօգտագործողներին տրամադրվող պետական աջակցության շարունակական ծրագրերը նպաստում են տևականորեն չմշակված վարելահողերի շրջանառության մեջ ներգրավմանը, նոր այգիների հիմնադրմանը, բազմամյա տնկարկների և գյուղատնտեսական մշակաբույսերի ագրոտեխնիկական միջոցառումների բարելավմանը, ցանքատարածությունների, համախառն բերքի, գյուղացիական տնտեսությունների եկամուտների ավելացմանը և տնտեսական աճի ապահովմանը:

8. Ծրագրով ներկայացվում են Արցախի Հանրապետությունում բազմամյա տնկարկների, զարնանացան և բանջարաբոստանային մշակաբույսերի, ջերմատնային տնտեսությունների և ծխախոտի մշակման տարածքների ավելացման խթանմանն ուղղված իրականացվելիք միջոցառումները և ակնկալվող արդյունքները:

2. ԾՐԱԳՐԻ ՆՊԱՏԱԿԸ ԵՎ ԽՆԴԻՐՆԵՐԸ

9. Դաշտավարության մեջ չափազանց կարևոր է ցանքաշրջանառության կիրառումը և ցանքատարածքների կառուցվածքի բարելավումը: Մեկ տեսակի կուլտուրայի տևական մշակությունը նույն դաշտում իջեցնում է բերքատվության մակարդակը: Դաշտավարության մեջ առանց մշակաբույսերի հաջորդափոխություն սահմանելու, հնարավոր չէ լուծել հողերի բերրիության ապահովման և կայուն բերքի ստացման խնդիրները: Ցանքաշրջանառությունը միայն մշակաբույսերի և ցելերի հաջորդականություն չէ, այլև ագրոտեխնիկական միջոցառումների համալիր, հողի մշակում, պարարտացում, հողատարման կանխարգելում, որոնց նպատակն է գյուղատնտեսական բույսերից կայուն և բարձր բերք ստանալը: Ժամանակն այն գործոնն է, երբ ցանքաշրջանառության մեջ ընդգրկված մշակաբույսերը և ցելերը նույն դաշտում հաջորդում են մեկը մյուսին, իսկ տարածությունը՝ երբ յուրաքանչյուր դաշտում եղած մշակաբույսերը կամ ցելերը տվյալ ժամանակաշրջանում զբաղեցնում են որոշակի դաշտեր:

10. Ցանքաշրջանառության մեջ ճիշտ ընտրված մշակաբույսերի մշակությունը բարելավում է հողի ֆիտոսանիտարական վիճակը, պաշտպանում է էռոզիայից, ավելացնում է օրգանական նյութերի քանակը և բարելավում ֆիզիկական հատկությունները: Այդ առումով զարնանացան մշակաբույսերի, կերային խոտաբույսերի, ծխախոտի, բանջարաբոստանային մշակաբույսերի մշակությունը կարևորվում է ցանքաշրջանառության լավագույն բաղադրիչ լինելու, պարենային որոշ մթերքների ինքնաբավության մակարդակի բարձրացման, անասնակերների կայուն բազայի ստեղծման տեսանկյունից, իսկ ոռոգման կաթիլային համակարգերի կիրառումն ապահովում է մշակվող պտղատեսակների մրցունակության բարձրացումը, մթերման ծավալների ու արտադրվող արտադրանքի ավելացումը:

11. Ծրագրի նպատակներն ու խնդիրներն են՝

1) բարձրացնել պտղաբուծության ճյուղի արդյունավետությունը, ապահովել երկրի բնակչության կարիքները հայրենական արտադրության թարմ և վերամշակված պտուղներով, խթանել արտաքին շուկաներում ինքնաբավության կարիք ունեցող պտուղների (նուռ, խաղող, խնձոր, տանձ, սերկևիլ, գլեռ, կեռաս, բալ, սալոր, հոն, արևելյան խուրմա, դեղձ, ծիրան,

նեկտար, նուշ, ընկույզ, տխիլ, թութ, թուզ, կիվի, ձիթենի, ազնվամորի, մոշ և այլն) արտադրությունը, նվազեցնել ներմուծումը և ավելացնել արտահանման ծավալները.

2) ինտենսիվ պտղաբուծության զարգացման խթանման միջոցով իրականացնել պտղաբուծության աշխարհագրության ընդլայնման քաղաքականությունը.

3) ապահովել վերամշակող ձեռնարկությունների համար անհրաժեշտ քանակությամբ հումք, այդ վերամշակող ձեռնարկությունների զարգացմամբ և քանակական աճով ապահովել դրանց կողմից օգտագործվող հումքի պահանջարկի բարձրացումը.

4) գարնանացան մշակաբույսերի բերքի ինքնաբավության մակարդակի բարձրացումը, կերային խոտաբույսերի բերքի ապահովվածությունը, սպառման համար անհրաժեշտ ներկրման քանակի նվազեցումը.

5) ցանքաշրջանառության կիրառմամբ գարնանացան մշակաբույսերի, կերային խոտաբույսերի ցանքատարածությունների ու համախառն բերքի ծավալների և գյուղատնտեսությամբ զբաղվող տնտեսավարող սուբյեկտների եկամուտների ավելացումը.

6) տարեկան մշակվող հողատարածքների ավելացումը, ագրոտեխնիկական միջոցառումների ժամանակին կատարումը, ցանքաշրջանառության ապահովումը, բարձր ծլունակությամբ սերմերի օգտագործումը, ցանքի նորմաների պահպանումը:

3. ԾՐԱԳՐԻ ԻՐԱԿԱՆԱՑՄԱՆ ՈՒՂՎԱԾ ՄԻՋՈՑԱՌՈՒՄՆԵՐԸ

12. Ծրագրով նախատեսվում է իրականացնել հետևյալ միջոցառումները՝

1) տնկիների արժեքի մասնակի սուբսիդավորում.

2) գարնանացան մշակաբույսերի սերմերի արժեքի մասնակի սուբսիդավորում և լրավճարի տրամադրում.

3) կերային խոտաբույսերի մշակությամբ զբաղվող անձանց անհատույց ֆինանսական միջոցների տրամադրում.

4) բանջարաբոստանային մշակաբույսերի մշակությամբ զբաղվող անձանց անհատույց ֆինանսական միջոցների տրամադրում.

5) ջերմատնային տնտեսությամբ զբաղվող անձանց անհատույց ֆինանսական միջոցների տրամադրում.

6) նոր ջերմատնային տնտեսություն կառուցող անձանց անհատույց ֆինանսական միջոցների տրամադրում.

7) ծխախոտի մշակությունից ստացված բերքի իրացման (մթերման) դիմաց լրավճարի տրամադրում.

8) կարկտապաշտպան ցանցերի տեղադրման դեպքում անհատույց ֆինանսական միջոցների տրամադրում:

13. Սույն ծրագրի 12-րդ կետով նախատեսված միջոցառումների ֆինանսավորումն իրականացվում է յուրաքանչյուր տարվա պետական բյուջեով այդ նպատակով նախատեսված միջոցներով:

14. Սույն ծրագրի շրջանակներում պետական աջակցությունը կտրամադրվի այն անձանց, որոնք չունեն գյուղատնտեսության ոլորտում ծագած հարաբերություններից բխող նախորդ տարիներից կուտակված չմարված պարտավորություններ (հողի հարկ, վարձավճար, մատակարարված ոռոգման ջրի դիմաց պարտք, Արցախի Հանրապետության գյուղի և գյուղատնտեսության աջակցության հիմնադրամի (այսուհետ՝ հիմնադրամ) հանդեպ ժամկետանց պարտքեր), որը հավաստվում է համապատասխան փաստաթղթով:

15. Արցախի Հանրապետության էկոնոմիկայի և գյուղատնտեսության նախարարությունը (այսուհետ՝ նախարարություն) համակարգում և վերահսկում է ծրագրով նախատեսված միջոցառումների իրականացման գործընթացը:

16. Տեղական ինքնակառավարման մարմինները (Ստեփանակերտ քաղաքում՝ նախարարությունը), հիմք ընդունելով նախարարության կողմից սահմանված ժամկետները, ընդունում են գարնանացան մշակաբույսերի, կերային խոտաբույսերի, բանջարաբոստանային մշակաբույսերի, ջերմատնային տնտեսությամբ և այգեգործությամբ զբաղվող, ինչպես նաև նոր ջերմատնային տնտեսություն կառուցող հողօգտագործողների հայտերը: Հայտերի հետ միաժամանակ տեղական ինքնակառավարման մարմիններին (Ստեփանակերտ քաղաքում՝ նախարարություն) են ներկայացվում համայնքների վարչական սահմաններում գտնվող գյուղատնտեսական նշանակության տարածքների նկատմամբ սեփականության, վարձակալության կամ անհատույց օգտագործման իրավունքի պետական գրանցման վկայականների (այսուհետ՝ վկայական), իսկ վերաբնակեցման տարածքներում վկայականի բացակայության դեպքում՝ համայնքի ղեկավարի կողմից տրված համապատասխան տեղեկանքի և անձնագրերի պատճենները: Տեղական ինքնակառավարման մարմիններն ընդհանրացնում և շրջանների վարչակազմեր են ներկայացնում իրենց կողմից հաստատված տեղեկանք՝ նշելով

հողօգտագործողի անունը, ազգանունը, հայրանունը, անձնագրային տվյալները, վկայականի համարը և դրանց մշակության համար նախատեսված տարածքների մակերեսները՝ կցելով նաև հայտերի, վկայականի կամ համապատասխան տեղեկանքի պատճենները: Համայնքների վարչական սահմաններից դուրս գտնվող պետական սեփականություն համարվող գյուղատնտեսական նշանակության տարածքների վարձակալները փաստաթղթերը ներկայացնում են համապատասխան շրջանի վարչակազմի աշխատակազմի գյուղատնտեսության բաժին:

17. Տնկիների արժեքի մասնակի սուբսիդավորում

1) Արցախի Հանրապետության սեփականության, վարձակալության և անհատույց օգտագործման իրավունքով հատկացված տարածքներում նվազագույնը 0,5 հեկտար (ամբողջական հողատարածքում), իսկ առավելագույնը 10 հեկտար մակերեսով հողատարածքում այգի հիմնադրելու դեպքում իրականացվում է հողօգտագործողների կողմից սեփական միջոցներով ձեռք բերված տնկիների արժեքի մասնակի սուբսիդավորում՝ մեկ տնկիի դիմաց առավելագույնը 1 000 ՀՀ դրամ՝ համաձայն N 1 աղյուսակի.

2) սույն միջոցառումից օգտվելու պարտադիր պայման է հանդիսանում նվազագույնը 0,5 հեկտար (ամբողջական հողատարածքում), իսկ առավելագույնը 10 հեկտար մակերեսով հողատարածքում այգի հիմնադրելու նպատակով հայտի ներկայացումը, այդ հողատարածքը ոռոգման ջրով ապահովված լինելը (բացառությամբ 500 մետր և ավելի բարձր գոտիներում հիմնադրելու դեպքում), համայնքի վարչական սահմաններից դուրս գտնվող, պետական սեփականություն համարվող գյուղատնտեսական նշանակության տարածքների դեպքում՝ շրջանի վարչակազմի, իսկ համայնքի վարչական սահմաններում գտնվող գյուղատնտեսական նշանակության տարածքների դեպքում՝ համայնքի ղեկավարի կողմից տրված տեղեկանքը կատարված տունկի մասին.

3) սույն կետի 2-րդ ենթակետում նշված տեղեկանքը ստորագրում է նաև համապատասխան շրջանի համայնքը սպասարկող գյուղատնտեսը.

4) Արցախի Հանրապետության շրջանների վարչակազմերը ընդհանրացնում և 2 փուլով մինչև յուրաքանչյուր տարվա մայիսի 1-ը և դեկտեմբերի 1-ը նախարարություն են ներկայացնում սույն կետի շրջանակներում ընդգրկված հողօգտագործողների վերաբերյալ տեղեկությունները՝ համաձայն N 2 աղյուսակի.

5) սույն կետով սահմանված տնկիների արժեքի մասնակի սուբսիդավորման գործընթացն ապահովելու նպատակով Արցախի Հանրապետության էկոնոմիկայի և գյուղատնտեսության նախարարի (այսուհետ՝ նախարար) հրամանով ստեղծվում է հանձնաժողով.

6) հանձնաժողովը Արցախի Հանրապետության շրջանների վարչակազմերի կողմից պտղատու և (կամ) հատապտղատու այգիներ հիմնադրած հողօգտագործողների մասին տեղեկությունների ներկայացման վերջնաժամկետից հետո, ուսումնասիրում է ներկայացված փաստաթղթերը, ստուգում դրանց ճշտությունը, տասնօրյա ժամկետում ընդհանրացնում և հիմնադրամ է ներկայացնում դրական եզրակացություն ստացած այգի հիմնադրած հողօգտագործողների ցանկը՝ նշելով հողօգտագործողի տվյալները և սուբսիդավորման չափը՝ պետական աջակցության տրամադրման գործընթացն ապահովելու նպատակով:

18. Գարնանացան մշակաբույսերի սերմերի արժեքի մասնակի սուբսիդավորում և լրավճարի տրամադրում

1) Արցախի Հանրապետության շրջանների վարչական սահմաններում սեփականության, վարձակալության և անհատույց օգտագործման իրավունքով հատկացված վարելահողերում նվազագույնը 0,5 հեկտար (մեկ ամբողջական հողատարածքում) մակերեսով հողատարածքում գարնանացան մշակաբույսեր մշակելու համար հողօգտագործողների կողմից ցանված մշակաբույսերի սերմի դիմաց տրամադրվում է անհատույց ֆինանսական աջակցություն՝ 1 հեկտարի համար սահմանված համապատասխան քանակությամբ սերմի արժեքի 70 տոկոսի չափով, բացառությամբ եգիպտացորենի, որի համար սահմանվում է սերմի արժեքի 50 տոկոսի չափով՝ համաձայն N 3 աղյուսակի.

2) Արցախի Հանրապետության շրջանների վարչակազմերը ընդհանրացնում և մինչև յուրաքանչյուր տարվա հունիսի 1-ը նախարարություն են ներկայացնում ցանք կատարած հողօգտագործողների ցանկը, ցանված սերմի դիմաց անհատույց ֆինանսական աջակցություն ստանալու նպատակով կցելով գարնանացան մշակաբույսի սերմի նմուշի լաբորատոր փորձարկման արձանագրության, հայտատուի անձը հաստատող փաստաթղթի պատճենները, հողամասի (ցանքատարածություն համարվող) նկատմամբ սեփականության, վարձակալության կամ անհատույց օգտագործման իրավունքի պետական գրանցման վկայականների, իսկ վերաբնակեցման տարածքներում վկայականի բացակայության դեպքում՝ համայնքի ղեկավարի կողմից տրված համապատասխան տեղեկանքի և անձնագրերի պատճենները, հողամասի սեփականատիրոջ գրավոր համաձայնությունը՝ հողատարածքում ցանք կատարելու վերաբերյալ.

3) սույն միջոցառումից օգտվելու պարտադիր պայման է հանդիսանում համայնքի վարչական սահմաններից դուրս գտնվող պետական սեփականություն համարվող գյուղատնտեսական նշանակության տարածքների դեպքում շրջանի վարչակազմի, իսկ համայնքի վարչական սահմաններում գտնվող գյուղատնտեսական նշանակության տարածքների դեպքում համայնքի ղեկավարի կողմից տրված տեղեկանքը՝ եգիպտացորենի և արևածաղկի մշակաբույսերի դեպքում ոռոգման ջրով ապահովված լինելու կամ, ելնելով նշված հողատարածքում արձանագրված օդերևութաբանական ցուցանիշներից, տվյալ մշակաբույսերի մշակության համար պահանջվող կլիմայական գոտուն հողատարածքի համապատասխանության մասին:

4) սույն կետի 3-րդ ենթակետում նշված տեղեկանքը ստորագրում է նաև համապատասխան շրջանի համայնքը սպասարկող գյուղատնտեսը:

5) պետական աջակցություն կտրամադրվի այն հողօգտագործողներին, ովքեր հանրապետության գոտիական առանձնահատկություններին համապատասխան (ցանքաշրջանառություն կիրառելու անհրաժեշտ պայմանների առկայության դեպքում) կիրառում են ցանքաշրջանառություն:

6) գարնանացան մշակաբույսերի սերմերի արժեքի մասնակի սուբսիդավորման գործընթացն ապահովելու նպատակով նախարարի հրամանով ստեղծվում է հանձնաժողով:

7) հանձնաժողովը Արցախի Հանրապետության շրջանների վարչակազմերի կողմից ցանք կատարած հողօգտագործողների մասին տեղեկությունների ներկայացման վերջնաժամկետից հետո, ուսումնասիրում է ներկայացված փաստաթղթերը, ստուգում դրանց ճշտությունը և սերմերի նպատակային օգտագործումը, տասնօրյա ժամկետում ընդհանրացնում և հիմնադրամ է ներկայացնում դրական եզրակացություն ստացած հողօգտագործողների ցանկը՝ նշելով հողօգտագործողի տվյալները և տրամադրվող ֆինանսական միջոցների չափը, պետական աջակցության տրամադրման գործընթացն ապահովելու նպատակով:

8) միջոցառման մեջ ընդգրկված մշակաբույսերի մշակության համար ցանված սերմերի արժեքի մասնակի սուբսիդավորումը կիրականացվի մինչև յուրաքանչյուր տարվա սեպտեմբերի 1-ը, նախարարության կողմից ներկայացված համապատասխան տեղեկությունների հիման վրա:

9) Արցախի Հանրապետությունում սեփականության, վարձակալության և անհատույց օգտագործման իրավունքով հատկացված վարելահողերում մշակված գարնանացան մշակաբույսերից ստացված բերքի հիմնադրամի պահեստներում իրացման (մթերման) 1 կիլոգրամի դիմաց տրամադրվում է լրավճար՝ համաձայն N 3 աղյուսակի:

10) հիմնադրամը յուրաքանչյուր տարվա բերքի մթերման գործընթացն ավարտելուց հետո, տեղեկություններ է ներկայացնում նախարարություն (ոչ ուշ, քան մինչև նոյեմբերի 30-ը)՝ նշելով բերք հանձնած հողօգտագործողի անունը, ազգանունը, հայրանունը, անձը հաստատող փաստաթղթի համարը, մթերված բերքի քանակը:

11) նախարարությունը սույն կետի 10-րդ ենթակետում նշված տեղեկությունները ստանալուց հետո, տասնօրյա ժամկետում ընդհանրացնում և կազմակերպում է պետական աջակցության տրամադրման գործընթացը:

12) հիմնադրամը համապատասխան ֆինանսական միջոցները ստանալուց հետո, հինգ աշխատանքային օրվա ընթացքում հողօգտագործողներին է վճարում բերքի իրացման (մթերման) դիմաց սահմանված լրավճարները:

19. Կերային խոտաբույսերի մշակությամբ զբաղվող անձանց անհատույց ֆինանսական միջոցների տրամադրում

1) Արցախի Հանրապետության շրջանների վարչական սահմաններում սեփականության, վարձակալության և անհատույց օգտագործման իրավունքով հատկացված վարելահողերում կերային խոտաբույսերի մշակությամբ զբաղվող հողօգտագործողներին յուրաքանչյուր տարվա նոր ցանքի դեպքում մեկ հեկտարի դիմաց տրամադրվում է 50 000 ՀՀ դրամի չափով անհատույց ֆինանսական աջակցություն:

2) Արցախի Հանրապետության շրջանների վարչակազմերը ընդհանրացնում և մինչև յուրաքանչյուր տարվա մայիսի 1-ը և դեկտեմբերի 1-ը, երկու փուլով նախարարություն են ներկայացնում սույն կետի 1-ին ենթակետում ընդգրկված հողօգտագործողների վերաբերյալ տեղեկություններ՝ համաձայն N 4 աղյուսակի:

3) սույն միջոցառման 1-ին կետով սահմանված անհատույց ֆինանսական միջոցների տրամադրման գործընթացն ապահովելու նպատակով նախարարի հրամանով ստեղծվում է հանձնաժողով:

4) հանձնաժողովն Արցախի Հանրապետության շրջանների վարչակազմերի կողմից տեղեկությունների ներկայացման վերջնաժամկետից հետո, ուսումնասիրում է ներկայացված փաստաթղթերը, ստուգում դրանց ճշտությունը, տասնօրյա ժամկետում ընդհանրացնում և հիմնադրամ է ներկայացնում դրական եզրակացություն ստացած կերային խոտաբույսերի մշակությամբ զբաղվող հողօգտագործողների ցանկը՝ նշելով տվյալները և տրամադրվող

ֆինանսական միջոցների չափը՝ պետական աջակցության տրամադրման գործընթացն ապահովելու նպատակով:

5) սույն կետի 1-ին ենթակետով նախատեսված աջակցությունն անհատույց կտրամադրվի հիմնադրամի միջոցով՝ հանձնաժողովի կողմից ներկայացված համապատասխան տեղեկությունների հիման վրա:

20. Բանջարաբուստանային մշակաբույսերի մշակությամբ և (կամ) ջերմատնային տնտեսությամբ զբաղվող անձանց անհատույց ֆինանսական միջոցների տրամադրում

1) Արցախի Հանրապետության շրջանների վարչական սահմաններում սեփականության, վարձակալության և անհատույց օգտագործման իրավունքով հատկացված վարելահողերում հողօգտագործողներին անհատույց տրամադրվում է՝

ա. բանջարաբուստանային մշակաբույսեր մշակելու համար 1 հեկտարի դիմաց 300 000 ՀՀ դրամ միանվագ գումար (պարտադիր պայման է հանդիսանում մեկ հողակտորի մակերեսը ոչ պակաս, քան 0,25 հեկտար լինելը (ամբողջական հողատարածք)),

բ. ջերմացվող ջերմատնային տնտեսությամբ զբաղվողներին 1 հեկտարի դիմաց 6 000 000 ՀՀ դրամ (1 քառակուսի մետրի դիմաց՝ 600 ՀՀ դրամ), չջերմացվող ջերմատնային տնտեսությամբ զբաղվողներին՝ 1 հեկտարի դիմաց 3 000 000 ՀՀ դրամ (1 քառակուսի մետրի դիմաց՝ 300 ՀՀ դրամ) (պարտադիր պայման է հանդիսանում մեկ ջերմատնային տնտեսության մակերեսը ոչ պակաս, քան 100 քառակուսի մետր լինելը):

2) Արցախի Հանրապետության շրջանների վարչակազմերը ընդհանրացնում և մինչև յուրաքանչյուր տարվա մայիսի 1-ը և օգոստոսի 1-ը, երկու փուլով նախարարություն են ներկայացնում սույն կետի 1-ին ենթակետի «ա» պարբերությունում ընդգրկված հողօգտագործողների վերաբերյալ տեղեկություններ՝ համաձայն N 5 աղյուսակի:

3) Արցախի Հանրապետության շրջանների վարչակազմերը ընդհանրացնում և մինչև յուրաքանչյուր տարվա փետրվարի 1-ը նախարարություն են ներկայացնում սույն կետի 1-ին ենթակետի «բ» պարբերությունում ընդգրկված հողօգտագործողների վերաբերյալ տեղեկություններ՝ համաձայն N 6 աղյուսակի:

4) սույն միջոցառման 1-ին կետով սահմանված անհատույց ֆինանսական միջոցների տրամադրման գործընթացն ապահովելու նպատակով նախարարի հրամանով ստեղծվում է հանձնաժողով:

5) հանձնաժողովն Արցախի Հանրապետության շրջանների վարչակազմերի կողմից տեղեկությունների ներկայացման վերջնաժամկետից հետո, ուսումնասիրում է ներկայացված փաստաթղթերը, ստուգում դրանց ճշտությունը, տասնօրյա ժամկետում ընդհանրացնում և հիմնադրամ է ներկայացնում դրական եզրակացություն ստացած՝ բանջարաբուստանային մշակաբույսերի մշակությամբ և (կամ) ջերմատնային տնտեսությամբ զբաղվող հողօգտագործողների կամ տնտեսավարողների ցանկը՝ նշելով տվյալները և տրամադրվող ֆինանսական միջոցների չափը՝ պետական աջակցության տրամադրման գործընթացն ապահովելու նպատակով:

6) սույն կետի 1-ին ենթակետով նախատեսված աջակցությունն անհատույց կտրամադրվի հիմնադրամի միջոցով՝ հանձնաժողովի կողմից ներկայացված համապատասխան տեղեկությունների հիման վրա:

21. Նոր ջերմատնային տնտեսություն կառուցող անձանց անհատույց ֆինանսական միջոցների տրամադրում

1) Արցախի Հանրապետության սեփականության, վարձակալության և անհատույց օգտագործման իրավունքով հատկացված վարելահողերում և տնամերձ տարածքներում նոր հիմնադրված ավանդական՝ նվազագույնը 100 քառակուսի մետր (մեկ ամբողջական տարածքով) ու ժամանակակից տեխնոլոգիաներով հագեցված՝ նվազագույնը 500 քառակուսի մետր (մեկ ամբողջական տարածքով) ընդհանուր մակերեսով ջերմատնային տնտեսությունների կառուցման դիմաց անհատույց տրամադրվում է ֆինանսական միջոցներ՝ 1 քառակուսի մետրի հաշվով ավանդական ջերմատնային տնտեսության կառուցման դեպքում 8 000 ՀՀ դրամ, իսկ ժամանակակից տեխնոլոգիաներով հագեցած ջերմատնային տնտեսության կառուցման դեպքում 22 000 ՀՀ դրամ:

2) հայտատուները մինչև յուրաքանչյուր տարվա դեկտեմբերի 1-ը հայտերը ներկայացնում են նախարարություն՝ համաձայն N 1 ձևի:

3) սույն կետի 1-ին ենթակետով սահմանված անհատույց ֆինանսական միջոցների տրամադրման գործընթացն ապահովելու նպատակով նախարարի հրամանով ստեղծվում է հանձնաժողով:

4) հանձնաժողովը տասնօրյա ժամկետում ուսումնասիրում է ներկայացված փաստաթղթերը, ստուգում դրանց ճշտությունը: Դրական եզրակացություն ստացած շահառուների կողմից ջերմատնային տնտեսությունների կառուցման աշխատանքներն ավարտելուց հետո՝

աշխատանքի արդյունքն ընդունելու դեպքում տասնօրյա ժամկետում ընդհանրացնում և հիմնադրամ է ներկայացնում դրական եզրակացություն ստացած ջերմատնային տնտեսություն կառուցած հայտատուների ցանկը՝ նշելով տվյալները և տրամադրվող ֆինանսական միջոցների չափը պետական աջակցության տրամադրման գործընթացն ապահովելու նպատակով:

5) սույն կետի 1-ին ենթակետով նախատեսված աջակցությունն անհատույց կտրամադրվի հիմնադրամի միջոցով՝ հանձնաժողովի կողմից ներկայացված համապատասխան տեղեկությունների հիման վրա:

22. Ծխախոտի մշակությունից ստացված բերքի իրացման (մթերման) դիմաց լրավճարի տրամադրում՝

1) Արցախի Հանրապետությունում սեփականության, վարձակալության և անհատույց օգտագործման իրավունքով հատկացված վարելահողերում մշակած ծխախոտից ստացված բերքի իրացման (մթերման) դիմաց տրամադրվում է լրավճար՝ 1 կիլոգրամի դիմաց 20 ՀՀ դրամ գումարի չափով:

2) լրավճարը տրամադրվում է Արցախի Հանրապետության տարածքում գործող ընկերություններին մթերված բերքի դիմաց:

3) մթերող ընկերությունները յուրաքանչյուր տարվա ծխախոտի բերքի (հունքի) մթերման գործընթացն ավարտելուց հետո, տեղեկություններ են ներկայացնում նախարարություն (ոչ ուշ, քան մինչև նոյեմբերի 30-ը)՝ նշելով բերք հանձնած հողօգտագործողի անունը, ազգանունը, հայրանունը, անձը հաստատող փաստաթղթի համարը, մթերված բերքի քանակը:

4) սույն միջոցառման ֆինանսավորումն իրականացվում է յուրաքանչյուր տարվա պետական բյուջեով այդ նպատակով նախատեսված միջոցներով:

5) մթերող ընկերությունները համապատասխան ֆինանսական միջոցները ստանալուց հետո, հինգ աշխատանքային օրվա ընթացքում հողօգտագործողներին են վճարում ծխախոտի բերքի իրացման (մթերման) դիմաց սահմանված լրավճարը:

23. Կարկտապաշտպան ցանցերի տեղադրման դեպքում անհատույց ֆինանսական միջոցների տրամադրում՝

1) Արցախի Հանրապետության շրջանների վարչական սահմաններում սեփականության, վարձակալության և անհատույց օգտագործման իրավունքով հատկացված վարելահողերում հիմնադրված այգիներում և ջերմատնային տնտեսություններում ռիսկերի մեղմման գործընթացում ռազմավարական մեծ նշանակություն ունեցող կարկտապաշտպան դեմ պայքարում սեփական միջոցներով կարկտապաշտպան ցանցի տեղադրման դեպքում անհատույց տրամադրվում է շալալերային (հենայունային) մշակությամբ հիմնադրված այգիների դեպքում՝ 3 000 000 ՀՀ դրամ մեկ հեկտարի դիմաց, հիմնադրված և նոր հիմնադրվող խաղողայգիների, հատապտղանոցների և ինտենսիվ մշակությամբ այգիների դեպքում՝ 6 000 000 ՀՀ դրամ մեկ հեկտարի դիմաց, իսկ ջերմատնային տնտեսությունների դեպքում՝ 250 ՀՀ դրամ մեկ քառակուսի մետրի հաշվով:

2) սույն միջոցառումից օգտվելու պարտադիր պայման է հանդիսանում նվազագույնը 0,5 (ամբողջական հողատարածք) և առավելագույնը 10 հեկտար մակերեսով այգու առկայությունը, իսկ ջերմատնային տնտեսությունների դեպքում՝ նվազագույնը 100 քառակուսի մետր (մեկ ամբողջական տարածքով) մակերեսի առկայությունը:

3) Արցախի Հանրապետության շրջանների վարչակազմերը ընդհանրացնում և մինչև յուրաքանչյուր տարվա դեկտեմբերի 1-ը նախարարություն են ներկայացնում սույն կետի 1-ին ենթակետում ընդգրկված հողօգտագործողների վերաբերյալ տեղեկություններ՝ համաձայն N 7 աղյուսակի:

4) սույն կետի 1-ին ենթակետով սահմանված անհատույց ֆինանսական միջոցների տրամադրման գործընթացն ապահովելու նպատակով նախարարի հրամանով ստեղծվում է հանձնաժողով:

5) հանձնաժողովն Արցախի Հանրապետության շրջանների վարչակազմերի կողմից տեղեկությունների ներկայացման վերջնաժամկետից հետո, ուսումնասիրում է ներկայացված փաստաթղթերը, ստուգում դրանց ճշտությունը, տասնօրյա ժամկետում ընդհանրացնում և հիմնադրամ է ներկայացնում դրական եզրակացություն ստացած՝ կարկտապաշտպան ցանցեր տեղադրած շահառուների ցանկը՝ նշելով տվյալները և տրամադրվող ֆինանսական միջոցների չափը պետական աջակցության տրամադրման գործընթացն ապահովելու նպատակով:

6) սույն կետի 1-ին ենթակետով նախատեսված աջակցությունն անհատույց կտրամադրվի հիմնադրամի միջոցով՝ հանձնաժողովի կողմից ներկայացված համապատասխան տեղեկությունների հիման վրա:

4. ԾՐԱԳՐԻ ԻՐԱԿԱՆԱՑՈՒՄԻՑ ԱՎՆԿԱԿՈՂ ԱՐԴՅՈՒՆՔՆԵՐԸ

24. Սույն ծրագրի իրականացումից ակնկալվող արդյունքներն են՝

1) գյուղատնտեսական մշակաբույսերի բերքատվության և ստացվող բերքի որակի բարձրացում:

2) մոլախոտային բուսականության, հիվանդությունների և վնասատուների դեմ պայքարի անհրաժեշտության նվազեցում:

25. Ծրագրի իրականացումից յուրաքանչյուր տարի նախատեսվում է՝

1) զարգացնել այգեգործությունը՝ յուրաքանչյուր տարի հասցնելով ավելի քան 150 հեկտարի:

2) ցանել ավելի քան 10 000 հեկտար գարնանացան մշակաբույսեր:

3) ֆինանսական միջոցներ տրամադրել շուրջ 300 հեկտար բանջարաբոստանային մշակաբույսերի մշակության համար:

4) ֆինանսական միջոցներ տրամադրել շուրջ 6 հեկտար ջերմատնային պայմաններում աճեցվող մշակաբույսերի մշակության համար:

5) ֆինանսական միջոցներ տրամադրել շուրջ 2,25 հեկտար ջերմատների կառուցման համար:

6) վերամշակող ընկերություններում հողօգտագործողներից մթերել ստացված ծխախոտի ամբողջ հումքը:

7) ֆինանսական միջոցներ տրամադրել շուրջ 24 հեկտար կարկտապաշտպան ցանցերի տեղադրման համար:

26. Գարնանացան մշակաբույսերը և բանջարաբոստանային մշակաբույսերը հումք են հանդիսանում վերամշակող ընկերությունների համար: Յուրաքանչյուր մշակաբույսերի վերամշակումից ստացված ձեթը, ընդեղեն մշակաբույսերից՝ հատիկը, հնդկացորենից՝ հնդկաձավարը և բանջարաբոստանային մշակաբույսերից՝ պահածոները հանդիսանում են առաջին անհրաժեշտության պարենամթերք և ունեն մեծ դեր ու նշանակություն մարդու օրգանիզմի նորմալ գործունեության համար: Կերային խոտաբույսերից ստացվում է անասնակեր, որը կնպաստի անասնաբուծության զարգացմանը:

27. Ծրագրի իրագործման համար պահանջվող ներդրումները 2021 թվականի համար ներկայացված են N 8 աղյուսակում:

ԱՐՑԱԽԻ ՀԱՆՐԱՊԵՏՈՒԹՅԱՆ ՆԱԽԱԳԱՀԻ

ԱՇԽԱՏԱԿԱԶՄԻ ԿԱՌԱՎԱՐՈՒԹՅԱՆ

ԳՈՐԾԵՐԻ ԿԱՌԱՎԱՐՉՈՒԹՅԱՆ ՊԵՏ

Ա. ԱԶԱՐՅԱՆ

Աղյուսակ N 1

Արցախի Հանրապետության շրջաններում 1 հեկտար պտղատու և հատապտղատու այգիների հիմնադրման համար անհրաժեշտ տնկիների քանակը և արժեքի մասնակի սուբսիդավորման գումարն ըստ մշակության տեխնոլոգիայի

Հ/Հ	Պտղատեսակը	Տնկման սխեման ըստ մշակության տեխնոլոգիայի (միջշարային x միջբնային)		Մեկ հեկտարի հաշվով տնկիների քանակն ըստ մշակության տեխնոլոգիայի (հատ)		Փոխհատուցման ենթակա գումարը (<< դրամ)	
		ավանդական	ինտենսիվ	ավանդական	ինտենսիվ	ավանդական	ինտենսիվ
1	նռնենի	4x4	4x2,5	625	1 000	100 000	150 000
2	խաղող	3x2	3x1	1 667	3 334	1 000 000	2 000 000
3	խնձորենի	5x4	4x2,5	500	1 000	300 000	600 000
4	տանձենի	5x5	4x3	400	833	320 000	800 000
5	սերկևիլենի	5x4	4x3	500	833	400 000	650 000
6	զկռենի	5x4	5x3,5	500	570	500 000	570 000
7	կեռասենի	6x6	4x3	278	833	208 500	800 000
8	բալենի	6x6	4x3	278	833	208 500	800 000
9	սալորենի	5x5	5x3	400	667	300 000	500 000
10	նշենի	5x5	4x3	400	833	260 000	800 000
11	հոնենի	5x4	5x3	500	667	500 000	650 000
12	արևելյան խուրմա	5x5	5x2	400	1 000	320 000	800 000
13	ընկուզենի	10x10	8x6	100	208	100 000	200 000
14	տխլենի	5x4	5x2,5	500	800	175 000	280 000
15	թթենի	10x10		100		100 000	
16	թզենի	6x6	5x4	278	500	139 000	500 000
17	կիվի		3x2		1 667		1 000 000
18	ծիրենի	6x6	4x4	278	625	278 000	625 000
19	դեղձ						
20	ծիրան	5x5	4x3	400	833	260 000	800 000
21	նեկտար						
22	ազնվամորի		2x0,5		10 000		1 500 000
23	մոշենի		2x1		5 000		1 500 000
24	այլ					200 000	

Աղյուսակ N 2

Արցախի Հանրապետության շրջաններում նոր հիմնադրված պտղատու և հատապտղատու այգիների մասին

Հ/Հ	Համայնք	Ազգանուն, անուն, հայրանուն	Անձնագրային տվյալները	Պտղատեսակը	Տարածքը (հա)	Մշակության տեխնոլոգիան
1						
2						
3						
...						
Ընդամենը՝ շրջանում						

Աղյուսակ N 3

Գարնանացան մշակաբույսերի սերմացուի արժեքի մասնակի սուբսիդավորման, աջակցության չափի և տրամադրվող լրավճարի մասին

Հ/Հ	Մշակաբույսը	Ցանքի նորման (կգ/հա)	Սերմացուի արժեքի մասնակի սուբսիդավորում (%)	Սերմացուի մեկ կիլոգրամի դիմաց տրամադրվող աջակցության չափը ոչ ավելի, քան (ՀՀ դրամ)	Մթերված արտադրանքի մեկ կիլոգրամի դիմաց տրամադրվող լրավճար (ՀՀ դրամ)
1	Եգիպտացորեն (հատիկ)	20	50	1 500	10
2	Հնդկացորեն	100	70	350	15
3	Արևածաղիկ	4		2 500	40
4	Կտավատ	60		450	15
5	Սոյա	60		400	50
6	Հլածուկ	6		600	50
7	Սիսեռ	100		700	30
8	Ռսպ	150		500	30
9	Ոլոռ	200		250	30
10	Սորգո	12		1 000	10

Աղյուսակ N 4

Արցախի Հանրապետությունում կերային խոտաբույսերի մշակությամբ զբաղվող հողօգտագործողների վերաբերյալ

Հ/հ	Համայնք	Ազգանուն, անուն, հայրանուն	Անձնագրային տվյալները	Ընդհանուր մակերեսը (հեկտար)
1				
2				
3				
...				
Ընդամենը՝ շրջանում				

Աղյուսակ N 5

Արցախի Հանրապետության բանջարաբուստանային մշակաբույսերի մշակությամբ զբաղվող հողօգտագործողների վերաբերյալ

Հ/հ	Համայնք	Ազգանուն, անուն, հայրանուն	Անձնագրային տվյալները	Ընդհանուր մակերեսը (հեկտար)
1				
2				
3				
...				
Ընդամենը՝ շրջանում				

Աղյուսակ N 6

Արցախի Հանրապետությունում ջերմատնային տնտեսությամբ
գբաղվող հողօգտագործողների վերաբերյալ

Հ/հ	Համայնք	Ազգանուն, անուն, հայրանուն	Անձնագրային տվյալները	Ընդհանուր մակերեսը (քառ.մետր)	որից՝	
					ջերմուցվող	չջերմուցվող
1						
2						
3						
...						
		Ընդամենը՝ շրջանում				

Աղյուսակ N 7

Արցախի Հանրապետությունում կարկտապաշտպան ցանցեր
տեղադրող հողօգտագործողների վերաբերյալ

Հ/հ	Համայնք	Ազգանուն, անուն, հայրանուն	Անձնագրային տվյալները	Այգիներ (հա)	Ջերմատնային տնտեսություն (քառ. մետր)
1					
2					
3					
...					
		Ընդամենը՝ շրջանում			

Հ Ա Յ Տ

Դիմող _____
(Ֆիզիկական կամ իրավաբանական անձի անունը (անվանումը))

Բնակության վայրը (գտնվելու վայրը) և հեռախոսահամարը _____

Անձնագրի և հանրային ծառայությունների համարանիշի կամ սոցիալական քարտի
համարները _____

Պետական գրանցման վկայականի համարը _____

Գործունեության իրականացման վայրը _____

Նախատեսվում է կառուցել _____ քառակուսի մետր մակերեսով (ավանդական կամ
ժամանակակից տեխնոլոգիաներով) ջերմատուն

Հայտին կից ներկայացվում են՝

- Ջերմատան կառուցման համար գործարար ծրագիր
 - Ֆիզիկական անձի անձնագրի և հանրային ծառայությունների համարանիշի կամ սոցիալական քարտի պատճենները
 - Իրավաբանական անձի պետական գրանցման վկայականի պատճենը
 - Գործունեության իրականացման վայրի նկատմամբ իրավունքը հաստատող փաստաթղթի պատճենը (առկայության դեպքում)
 - Անշարժ գույքի նկատմամբ համասեփականատերերի առկայության դեպքում՝ նոտարական կարգով վավերացված անշարժ գույքի սեփականատիրոջ (համասեփականատերերի) համաձայնությունը՝ ջերմատան կառուցման համար
- Ներկայացված փաստաթղթերը ենթակա չեն վերադարձման:

Լրացուցիչ տեղեկություններ _____

(անուն, ազգանուն) _____ (ստորագրություն)

« ____ » _____ 20 __ թ.

Ծրագրի իրագործման համար պահանջվող ներդրումները 2021 թվականի համար

Հ/Հ	Մշակաբույսի կամ միջոցառման անվանումը	Նախատեսվում է մշակել (հա)	Անհատույց դրամական միջոցների տրամադրում (<< դրամ)	Լրավճար մթերված բերքի դիմաց (<< դրամ)	Ընդամենը ֆինանսական միջոցներ (<< դրամ)	ԱՀ 2021 թվականի պետական բյուջե
1	Գարնանացան մշակաբույսեր	10 000	338 000 000	300 000 000	638 000 000	638 000 000
	Սերմերի արժեքի մասնակի փոխհատուցում		338 000 000		338 000 000	338 000 000
	Լրավճարի տրամադրում			300 000 000	300 000 000	300 000 000
2	Բազմամյա կերային խոտաբույսեր	1 000	50 000 000		50 000 000	50 000 000
3	Ծխախոտ	200		55 000 000	55 000 000	55 000 000
4	Բանջարաբոստանային մշակաբույսեր	276,67	83 000 000		83 000 000	83 000 000
5	Ջեռուցվող և չջեռուցվող ջերմատնային տնտեսություն	6	25 500 000		25 500 000	25 500 000
	Ջեռուցվող	2,5	15 000 000		15 000 000	15 000 000
	Չջեռուցվող	3,5	10 500 000		10 500 000	10 500 000
6	Ջերմատնային տնտեսություն	2,25	320 000 000		320 000 000	320 000 000
	Ավանդական	1,25	100 000 000		100 000 000	100 000 000
	Ժամանակակից տեխնոլոգիաներով հագեցած	1	220 000 000		220 000 000	220 000 000
7	Այգեգործություն	150	230 000 000		230 000 000	230 000 000
8	Կարկտապաշտպան ցանց	24	130 000 000		130 000 000	130 000 000
	Այգեգործություն	20	120 000 000		120 000 000	120 000 000
	Ջերմատնային տնտեսություն	4	10 000 000		10 000 000	10 000 000
ԸՆԴԱՄԵՆԸ		11658,92	1 176 500 000	355 000 000	1 531 500 000	1 531 500 000

(հավելվածը խմբ. 15.09.21 N 1005-Ն)